

այն իրողությունը, որ հայ կամավորները մտահոգված էին միայն իրենց հայրենիքի ազատագրման և ոչ թե ցարիզմի նվաճողական պլանների իրագործման հարցով:

3. ԱՐԵՎԻՏԱԼԱՅՆԻ ԶԱՆՎԱԾԱՅԻՆ ԶԱՐԴԵՐՆ ՈՒ ՏԵՂԱՀԱՆՈՒԹՅՈՒՆԸ

Արևմտահայության ֆիզիկական բնաջնջման իր հրեշավոր ծրագրերը թուրքական բռնակալությունը մշակել էր դեռևս անցյալ դարի վերջերին: Սակայն այդ քաղաքականությունն ավելի լայն շափերով իրագործվեց երիտթուրքերի կառավարման տարիներին:

Դեռ 1914 թ. աշնանը և 1915 թ. սկզբներին թուրքական իշխանություններն սկսեցին հատվածաբար ոչնչացնել բանակ զորակոչված հայերին, ապա՝ նաև ճանապարհների վրա աշխատեցնելու պատրվակով զորահավաքի ենթարկված 15—20 և 45—60 տարեկան տղամարդկանց:

Օգտագործելով պատերազմական իրադրությունը, իթթիհատականները 1915 թ. սկզբներին կայացած իրենց կուսակցության կենտկոմի գաղտնի նիստում որոշեցին արևմտահայության բնաջնջման և տեղահանության կոնկրետ եղանակները:

Թալեմաթի նախագահությանը գումարված գաղտնի նիստում, որին մասնակցում էին էնվերը, Նազըմը, Բեհանգդին Շաքիրը և ուրիշներ, հանդես գալով որպես հիմնական ղեկուցող, կոմիտեի քարտուղար Նազըմը կոչ էր անում շքավարավել Ադանայի կոտորածի նման մասնակի շարդերով, թափոթ է հայ ազգը արմատախիլ ըլլա, մեր հողին վրա անհատ մը անգամ չմնա, հայ անուներ մոռցվի: Հիմա պատերազմի մեջ ենք, ասկե հարմար առիթ չի գտնվիր, մեծ պետությանց միջամտությունը և թերթերու բողոքի ձայնը նկատելի իսկ չի կրնար ըլլալ, ըլլալու պարագային խնդիր կատարված իրողություն մը կդառնա և կփակվի. այս անգամվան գործողությունը բնաջնջումի գործողություն մը պիտի ըլլա, հայերեն անհատ մը իսկ չմնալու պայմանավ ընաչընջումը անհրաժեշտ է»⁴⁰:

Ղեկավարվելով վերոհիշյալ նիստի որոշմամբ, ապրիլի 15-ին տեղական իշխանություններին Թալեմաթի, էնվերի և Նազըմի ստորագրությամբ գաղտնի հրաման ուղարկվեց, որտեղ ասված էր, թե օգտվելով պատերազմի ընձեռած հնարավորությունից, անհրաժեշտ է վերջնականապես բնաջնջել հայերին՝ նրանց քշելով դեպի Արաբիայի անապատները:

Դաժններն առաջին հերթին հաշվեհարդար տեսան հայ ականավոր զործիշների ու մտավորականների, այդ թվում մեջլիսի հայ պատգամավորներին: Միայն Կ. Պոլսում ապրիլի 24-ի լույս 25-ի գիշերը ռստիկանությունը ձերբակալեց 235 անվանի հայ մտավորականներին: Շուտով ձերբակալվածնե-

⁴⁰ Մելվան-գառն Ռիֆթը. Օսմանյան հեղափոխության մութ ծաղիկներ, Պեյրուք, 1968, էջ 97, 98, 98-ն նաև Deutschland und Armenien 1914—1918. Sammlung diplomatischer aktienstücke". Herausgegeben und eingeleitet von Dr. Johannes Lepsius. Potsdam, 1919, S. 94, 113, 142.

րի թիվը հասավ շուրջ 800-ի, որոնք բշվեցին դեպի Անատոլիայի խորքերը և զազանարար սպանվեցին արսորի ճանապարհին:

Կ. Պոլսի նահատակված հայ մտավորականների թվում էին ականավոր գրող, հրապարակախոս, իրավաբան ու հասարակական գործիչ Գրիգոր Զոհրապը, մեծատաղանդ բանաստեղծներ Գանիկ Վարուժանը, Սիամանթոն, գրողներ Ռուբեն Զարգարյանը, Ռուբեն Մեակը, Հովհաննես Թլկատինցին, Հրանդը (Մելրոն Կյուրճյան), Նրուխանը (Նրվանդ Սրմաբեշյանյանը), Միհրան Իսպիրյանը, Սմբատ Բյուրատը, Տիգրան Զյուկյուրյանը, Արտաշես Հարությունյանը և շատ ուրիշներ: Հանճարեղ Կոմիտասը պատահաբար փրկվելով մահից և ականատես լինելով հայ ժողովրդի մեծագույն այդ ողբերգությանը,



Մուլի Ալի-Չոնա գյուղի մի զոմում այրված մարդկանց ոսկորները:

կորցրեց բանականությունը: Թուրքական յաթագանի զոհ դարձան «Երկիր» թերթի խմբագիր Տիգրան Օտյանը (Ասո), «Սարահ» թերթի խմբագիր Տիրան Քելեկյանը, տաղանդավոր դերասան Ենովջ Շահինը, բաղամթիվ գիտնականներ, իրավաբաններ, դասախոսներ, ուսուցիչներ, մշակութային գործիչներ: Նույն ճակատագրին արժանացան հայ մտավորականներ նաև երկրի այլ քաղաքներում:

Երիտթուրքերի կառավարությունը 1915 թ. հունիսի 15-ին Կ. Պոլսի սուլթան Բալագիտի հրապարակում կախաղան բարձրացրեց հնչակյան կուսակցության 20 ղեկավարների (Փարամազ, Դոկտ. Պենե, Վանիկ, Ա. Աչբազյան և այլն):

Երիտթուրքերի կառավարությունը Թալեաթի ստորագրությամբ մի զազանի կարգադրություն հղեց վիլայեթների իշխանություններին, որ ասվում էր, որ անհրաժեշտ է ոչնչացնել Արևմտյան Հայաստանի ու Կիլիկիայի աղջ հայ ազգաբնակչությանը: «Կառավարությունը, — նշվում էր կարգադրու-

թյան մեջ,— իր վրա է վերցնում ամբողջ պատասխանատվությունը և հրամայում է շինայել անգամ օրորոցի երեխաներին»⁴¹։

Տեղական իշխանությունները մեծագույն ճշտությամբ էին կատարում Թալեաթի բոլոր կարգադրությունները։ Այսպես, 1915 թ. ապրիլ-մայիսին տեղահան արվեցին Կիլիկիայի հայերը, հունիս-հուլիսին՝ Կարինի, Տրապիզոնի, Վանի, Բիթլիսի, Խարբերդի և Սվադի, օգոստոս-սեպտեմբերին՝ Անկարայի, Ադաբազարի, Բրուսայի, Զեհե-Մուսայի, Ուրֆայի և Ալյնթափի հայերը։ Ազդեցական աղբյուր հայերն արտրվեցին հոկտեմբերին, Կեսարիայից՝ նոյեմբերին։ Երկրի «մաքրագործումը» հայ ազգաբնակչությանից տեղի 1915 թ. ապրիլից մինչև նոյեմբերը⁴²։

Հայերի արտոք դեպի Դեյր-էզ-Զոր (աղավաղված՝ Տեր Զոր) քաղաքի շրջակա տոթակեղ անապատը և զանգվածային ջարդը միևնույն եղանակով և միաժամանակ իրականացվեց Թուրքիայի ավելի քան 50 վայրերում։

1915 թ. ապրիլ-մայիս ամիսներին սկսվեց հայերի արտոքը Կիլիկիայից դեպի Միջագետքի շրջանները՝ Բաղդադի երկաթուղուց հարավ։ «Մայիսից մինչև հոկտեմբեր», գրում է Հերբերտ Ադամս Գիբբոնսը,— օսմանյան կառավարությունը սխտեմանտիկորեն կենսագործում էր մի պլան, որն ավելի դժոխային էր, քան ամենասարսափելի ջարդը։ Ամբողջ Փոքր Ասիայով մեկ հրամաններ էին ուղարկվում հայ ազգաբնակչությանը Միջագետք արտոքելու մասին։ Հրամանները միանգամայն որոշակի էին ու մանրամասն։ Բացառություն չէր արվում ոչ հիվանդներին, ոչ ծերերին, ոչ էլ հղի կանանց»։ «Ճանապարհ ընկնելու համար,— շարունակում է Գիբբոնսը,— տրվում էր հրկու օրից մինչև վեց ժամ ժամանակ։ Արգելվում էր իրենց հետ վերցնել որևէ իր, տնային կենդանիներ և նույնիսկ անձնական հագուստ»⁴³։ Անգամ ճանապարհին հայերը չէին կարող որևէ բան ձեռք բերել, քանի որ արգելված էր մասնեղական բնակչությանը նրանց հետ առևտուր անել։ Հայերին արտոքելուց հետո նրանց տներն ու ամբողջ ունեցվածքը բռնագրավվում էին⁴⁴։

Արտոքից առաջ տղամարդկանց բաժանում էին ընտանիքներից ու ուղնշացնում։ Գեղեցիկ կանանց ու աղջիկներին բռնի կերպով առանձնացնում էին՝ մեծահարուստ թուրքերի հարսնաներն ուղարկելու համար։ Ապա սովահար հոծ զանգվածներին բռնում էին Անատոլիայի լեռնանցքներով, կիզիչ արևի ճառագայթների տակ՝ դեպի Միջագետքի անապատները։ Հազարավոր հայեր ճանապարհին մահանում էին սովից, ծարավից, ուժասպառությունից։ Նրանք, ովքեր այլևս անկարող էին առաջ շարժվել, անմիջապես սպիանաբլում կամ դեղակահարվում էին։ Քեմալ-Բողազի մոտ՝ Եփրատի ափին և Երզնկայի ու Խարբերդի միջև ընկած տարածության վրա զանգվածային գնդակահարություններ տեղի ունեցան։ Արտոքվալի հասավ տարագրված հայերի շնչին տոկոսը միայն։

⁴¹ The memoirs of Naim Bey. Turkish Official Documents relating to the Deportations and Massacres of Armenians, London, 1920, p. 16, Հայկական ջարդերի մասին տե՛ս նաև «Геноцид армян в Османской империи».


⁴² A. Mandelstam, Le sort de l'Empir Ottoman. Paris, 1917, p. 283—284.

⁴³ Гиббонс Герберт-Адамс, Последние избиения в Армении. Факты ответственности, пер. с англ., Пг., 1916, стр. 13—14.

⁴⁴ Այդ մասին մանրամասն տե՛ս Առն Վադան, Հայկական տասնհինգը և հայերու թշուալները (քննական ակնարկ ըստ Բրեքկան վավերագրերու), Պեյրուք, 1970։

Սերաստիայից և Խարբերդից արսորված 18.000 հայերից արսորավայր են հասել 150 կին և երեխա⁴⁵։ Հայկայից Րես-յուզ Ալյն և Մեսենի ճանապարհով արսորված 200.000 հայերից կենդանի մնացին միայն 5.000 հոգի⁴⁶։ Կարինի վիլայեթի 215 հազար հայ ազգաբնակչությունից կենդանի մնաց ընդամենը 2.000, իսկ Կարին քաղաքի 18.000 հայերից՝ 120 մարդ։

Եթե Սերաստիայի ու Կարինի վիլայեթների և Կիլիկիայի հայերը մեծ մասամբ արսորվեցին ու ոչնչացվեցին զեպի Մոսուլ ընկած ճանապարհին, այսպիսովորական իշխանություններին ենթակա Բիթլիսի ու Դիարբեքիրի վիլայեթների հայերը, կառավարության հատուկ հրամանով, սրի քաշվեցին տեղում։



Կախաղան քառնաղված հայեր

Թուրքական զորամասերը 1915 թ. հունիսին անսպասելիորեն շրջապատեցին Բիթլիսը և նրա հայաբնակ մասը վերածեցին սպանդանոցի, կենդանի մնացած կանանց ու երեխաներին դուրս բերեցին քաղաքից և քշեցին զեպի Սղեբու։ Ճանապարհին նրանց բռնությունները կոտորեցին։ Բիթլիսը զրաված ուսանական զորքերի և հայ կամավորների առջև սարսափելի մի տեսարան բացվեց. վիլայեթի շուրջ 180 հազար հայ բնակիչներից կենդանի էին մնացել միայն մահմեդականություն ընդունած 300—400 կանայք ու երեխաներ։ Նույն ճակատագրին արժանացան նաև Մուշը, Սղեբոյը, Դիարբեքիրը, երբ ուսական զորքերը հայ կամավորների հետ միասին 1915—1916 թթ. աղատարդում էին

⁴⁵ ՏՃ՝Ա Հեռի Մարկենթաու, Դեսպան Մորկենթաուի պատմածները, Քսանվեց ամիս Թուրքիո մեջ գտնված Հեռի Մորկենթաուի պատմածները տիեզերական պատերազմի առաջ և պատերազմի միջոցին, Քարգմ. Շամուսճյան, Կ. Պոլիս, 1919, էջ 266։

⁴⁶ ՏՃ՝Ա Ա. Անտոնյան, Մեծ ուշիորը, Հայկական վերջին կոտորածները և Քալաթի պաշար։ Պաշտոնական հեռագրեր, քննադիրներու ստորագրությամբ և քաղմաթիվ պատկերներով, Բոստոն, 1921, էջ 103։

հայկական վիլայեթները, ամենուրեք հանդիպում էին այրված ու խոշտանգված դիակների, ամալի դաշտերի ու ավերակների⁴⁷։ Մինչև 1915 թ. օգոստոսի 14-ը սպանվել էին ավելի քան 500 հազար հայեր։ Եփրատի ջրերն այնպիսի քանակությամբ դիակներ էին տանում, որ դրանք տեղ-տեղ կուտակվելով, պատենշ էին ստեղծում՝ խանգարելով գետի ազատ ընթացքը։

Թուրքական իշխանություններն արյունոտ դատաստան տեսան ոչ միայն հայկական վիլայեթներում, այլև Փոքր Ասիայի արևմտյան շրջաններում ու Թրակիայում բնակվող հայերի նկատմամբ։ Այսպես, Անկարայում 1909 թ. 800 հայեր արքայապետի կոչումով մահապարհին, ձորում, նրանց վրա հարձակվեցին դարան մտած ժանդարմները և բոլորին կոտորեցին։ Հազարավոր հայ կանայք երիտանների հետ միասին Թրակիայից ու Արևմտյան Անատոլիայից արքայապետի կոչումով մահապարհին, ձորում, նրանք մեռնում անապատան, բաց երկնքի տակ, ամեն օր հարյուրներով մահանում էին սովից ու համաճարակից⁴⁸։

Հայերին գլխովին շարժողների միայն երկու քաղաքներից՝ Կ. Պոլսից ու Զմյուռնիայից։ Դա բացատրվում էր մի կողմից նրանով, որ այդ քաղաքներում էին գտնվում շեզոք տերությունների դիվանագիտական ներկայացուցիչները և թղթակիցներ, որոնք կտարածեին աշխարհով մեկ թուրք շարժարարների ոճրագործությունները, իսկ մյուս կողմից թուրքական կառավարությունը վախենում էր այդ քաղաքների տնտեսական կյանքի խափանումից, որտեղ հայերը վճռական դեր էին խաղում։ Արևմտյան Հայաստանի, Կիլիկիայի և այլ տեղերի հայերին ոչնչացնելու ծրագիրը մինչև վերջ իրականացնելու համար երիտթուրքերը ձգտում էին համաշխարհային հասարակական կարծիքից թաքցնել իրենց շարագործությունները, որպեսզի կանխեն օտարերկրյա պետությունների միջամտությունը։ Հայերի բնաջնջման քաղաքականությունը թուրքական ռազմական իշխանությունները շարունակեցին նաև 1918 թ. ապրիլ-հոկտեմբեր ամիսներին՝ Արևելյան Հայաստանի և Անդրկովկասի գրավված մյուս շրջաններում։

Այսպիսով, 1915—1918 թթ. ընթացքում երիտթուրքական կառավարության կողմից ձեռնարկված հայաջինջ գործողությունների հետևանքով մոտ երկու միլիոն հայեր արքայապետի կոչումով մեռնում էին ու կեն միլիոնից ավելին սպանվեց կամ զոհ գնաց սովին ու համաճարակին Միջագետքի անապատներում։ Բոնի թուրքացման ենթարկվեցին շուրջ երկու հարյուր հազար հայեր, գերազանցապես կանայք ու երեխաներ։

Երիտթուրքերի կողմից կազմակերպված հայերի ցեղասպանության մասին գերմանացի նշանավոր հասարակական գործիչ Լևաիտուսը իր հայտնի «Գերմանիան և Հայաստանը» ժողովածուում գրում էր. «Ոչ մի կասկած չկա, որ խոսքը ոչ թե կայսրության անվտանգության նպատակին ուղղված ռազմական միջոցառումների, այլ հայ ժողովրդի ծրագրված ոչնչացման մասին էր»⁴⁹։

Երիտթուրքերը գազանային եղանակով լուծեցին՝ Հայկական հարցը։ Մեծ եղևնիից հետո արյունալի Բալկան փաշան պաշտոնապես հայտարարեց՝ «Չկա այլևս Հայկական հարց, քանի որ չկան նաև հայեր»։ Բնաջնջելով և

⁴⁷ Մանրամասն տե՛ս Arnold Toynbee, Armenian atrocities. The murder of a nation, London-New-York, 1915.

⁴⁸ Տե՛ս «The memoirs of Naim Bey», p. 49.

⁴⁹ J. Lepsius, Deutschland und Armenien 1914—1918, Potsdam, 1919, S. XXIV—XXV.

տեղահան անելով արևմտահայութիանը, երիտթուրքական կառավարող շեր-շանները, իրենց կարծիքով, «վերացրին այդ խոշընդոտը», որը խանգարում էր իրենց պանթուրքական, զավթողական ծրագրերի իրականացմանը:

Առաջին համաշխարհային պատերազմում երկրագնդի տարբեր մասերում իրագործված ոճիրներից և ոչ մեկը չի կարող համեմատվել այս ողբերգու-



Կոտորածներից փրկված հայ երեխա (1915)

թյան հետ: Ինչպես ղոհների քանակությամբ, այնպես էլ նրանց հանդեպ գործադրված միջոցներով, հայերի այս սպանդ-գնեոցի-ղը պատմության մեջ հիշատակված բոլոր ջարդերից ամենասոսկալին էր: Երիտթուրքերին հաջողվեց Հայկական հարցն իրենց ցանկացած ձևով վճռել՝ եվրոպական մեծ տերությունների ցուցաբերած հանցագործ վարքագծի ու թողությունների պատճառով:

Արևմտահայերի գաղանային ոչնչացման լուրը արագությամբ տարածվեց ամբողջ աշխարհով մեկ՝ ամենուրեք առաջ բերելով բուռն զայրույթ և բողոք: Գերմանական կառավարությունը Թուրքիայի հեղինակությունը պաշտպանելու համար ամեն կերպ աշխատում էր թաքցնել իր ժողովրդից երիտթուրքերի կողմից կազմակերպված հայ ազգաբնակչության ոչնչացման ու տեղահանման իրողությունը⁵⁰, Բայց, շնայած ձեռնարկած միջոցառումներին, հայ ազգաբնակչության ոչնչացման լուրը հասավ նաև Գերմանիա: Գերմանական մի խումբ առաջադեմ գործիչներ դիմեցին կայզերական կառավարությանը առաջարկելով ներգործել երիտթուրքական ղեկավարների վրա՝ հայկական կոտորածները դադարեցնելու համար: Վիլհելմի կառավարության վարքագիծը դատապարտեցին հատկապես գերմանական սոցիալ-դեմոկրատների ձախ թևի ներկայացուցիչները:

1916 թ. հունվարի 11-ին հարցապնդումով հանդես գալով ռեյսստագում թուրքական գաղանությունների մասին, Կարլ Լիբկնիխտը շեշտեց, որ դրանց պատասխանատվությունն ընկնում է նաև կայզերական կառավարության վրա՝ որպես Թուրքիայի դաշնակցի⁵¹:

Գերմանիայի պաշտոնական շրջաններն այլևս անկարող էին թաքցնել կամ հերքել հայերի դեմ թուրքական իշխանությունների գործադրած բռնություն-

⁵⁰ Տե՛ս Շր. Է. Степанян, Армения в политике империалистической Германии, Ереван, 1975.

⁵¹ Տե՛ս „Verhandlungen des Reichstages“, XII Legislaturperiode, Bd. 306, Berlin, 1916, S. 512—513; „Spartakusbriefe“, Berlin, 1958, S. 97.

ները: Ուստի նրանք փոխեցին իրենց գործելակերպը և փորձեցին նվազեցնել այդ ոճրագործությունների չափերը: Գերմանական մամուլը, հակառակ իրականությանը, պնդում էր, որ Օսմանյան կայսրության արևելյան վիլայիթներում «սպանվել են միայն խռովարարներ»⁵²: Անգլիայի, Ֆրանսիայի ու Ռուսաստանի կառավարությունները, համաշխարհային հասարակական կարծիքի ճնշման տակ, 1915 թ. մայիսի 11-ին հրապարակայնորեն հայտարարեցին Բ. զոանը, որ այդ հանցագործությունների պատասխանատվությունն ընկնում է թուրքական կաբինետի բոլոր անդամների, ինչպես նաև տեղական իշխանությունների ներկայացուցիչների վրա⁵³: Ամբողջ աշխարհի առաջադեմ հասարակայնությունն առաջին համաշխարհային պատերազմի տարիներին անարգանքի սյունին էր գամում երիտթուրքական մարդասպաններին և իրենց կառավարություններից պահանջում վճռական քայլի դիմել արևմտահայերին պաշտպանելու համար:

Ռուսաստանի, ինչպես նաև եվրոպական ու ամերիկյան երկրների պարբերական մամուլում բազմաթիվ հոդվածներ ու հաղորդումներ ղեկավարեցին արևմտահայերի վիճակի մասին, որոնցում մերկացվում էին թուրքական իշխանությունների շարագործությունները: Տեղի էին ունենում նաև բողոքի բազմամարդ ցույցեր, ուր հասարակական ու պետական գործիչները զայրույթով դատապարտում էին Թուրքիայի կառավարողներին ու նրանց գերմանական գործակիցներին:

Ռուս առաջադեմ հասարակայնությունն իր սրտին մոտ ընդունեց հայ ժողովրդի մեծագույն ողբերգությունը: Մ. Գորկին, Վ. Բրյուսովը, Յու. Վեսելովսկին, Ն. Մառը, Մ. Կովալսկին, Ա. Կրիմսկին, Ֆ. Սոլոգուբը, Ի. Բոնինը և շատ ուրիշներ իրենց բողոքի ձայնը բարձրացրին Թուրքիայում հայերի նկատմամբ գործադրվող անլուր պաշտպանությունների դեմ:

Բոլշևիկյան կուսակցության ականավոր գործիչները ժամանակին անարգանքի սյունին գամեցին թուրք ջարդարարներին: Ս. Մ. Կիրովը ուշի-ուշով հետևելով իթթիհատականների հայաջինջ քաղաքականությանը, գրել է. «Թուրքերը ձգտում են իրագործել իրենց վաղեմի երազանքը՝ ամբողջովին բնաջնջել Թուրքիայի հայ բնակչությանը»⁵⁴: Կիրովը Հյուսիսային Կովկասում ականատես լինելով արևմտահայ գաղթականների թշվառ վիճակին, նշում էր, որ դժվար է պատկերացնել թուրք ջարդարարների ոճրագործությունները, որ «...այդ մասին չեն կարող պատմել հայ կանանց ու երեխաների արցունքները, իսկ աներեակայելի սարսափներ ու տառապանքներ ապրած հայ խաղաղ բնակչության արյունը, որ թափել են բարբարոսները, միայն կարող է տալ որոշ հեռավոր պատկերացում հայկական Գողգոթայի մասին»⁵⁵:

Սուրեն Սպանդարյանը, սիրիյան աքսորավայրում, իմանալով թուրք բարբարոսների վայրագության մասին, գրում էր. «Սիրտս կսկծում է, արյունոտվում, երբ կարդում եմ այն հաղարավոր փախստականների մասին, այն

52 *St'a* Гиббонс Герберт-Адамс, стр. 13.

53 *St'a* «Международные отношения в эпоху империализма», Документы из архивов царского и Времен. правительства», сер. III, т. 8, ч. II, стр. 400; նաև *E. B. Tarle*, Европа в эпоху империализма 1871—1919 гг., М.—Л., 1928, стр. 393.

54 «Терек», *թերթը*, 14/2—1916.

55 Նույն տեղում:

խեղճ ու տառապալալ, անլուր տանջվող ժողովրդի, բռնաբարված կանանց ու մորթված երեխաների մասին»⁵⁶:

Հայ ժողովրդի պաշտպանությանը ակտիվորեն հանդես եկավ նաև Ֆրանսիայի ու Անգլիայի հասարակայնությունը: 1916 թ. ապրիլի 9-ին Սորբոնի համալսարանի մեծ դահլիճում հրավիրված բազմամարդ նիստում, որը ղեկավարում էր Ֆրանսիայի Ներկայացուցիչների պալատի նախագահ Պոլ Դեշանելը, հանդես գալով հայ ժողովրդի պաշտպանությունը, լուսավորության մինիստր Պենլըվեն և գրող Անատոլ Ֆրանսն անարգանքի սլոունի դամեցիկներ թուրքական դահճեներին ու կալվերական Գերմանիային:

1916 թ. մայիսին Փարիզում կազմակերպվեց «Ֆրանսիա-Հայաստան» կոմիտեն, որի կազմի մեջ մտան ականավոր գիտնականներ ու քաղաքական գործիչներ՝ էտյեն Լամին, Ռաֆայել Ժորժ Լեվին, Շյուսմերբը և ականավոր լեզվաբան Մեյնե: Կոմիտեի գլխավոր բարտուղար ընտրվեց Ռենեզե Շավանը — «Revue France-Etrangère», ամսագրի գլխավորը⁵⁷:

Անգլիական պառլամենտի նիստերում հաճախ ելույթներ էր ունենում պետական գործիչ ու գիտնական, լորդ Զեմս Բրայսը, հրապարակելով Արևմտյան Հայաստանում թուրքական զազանությունները մերկացնող բազմաթիվ փաստաթղթեր: Հենց այդ ժամանակ էլ Անգլիայում լույս տեսավ «Կապույտ գրքի» մեծ հատորը, որն ամփոփում էր Բրայսի կողմից հավաքած ու պառլամենտին ներկայացրած փաստաթղթերը:

Անտանտայի երկրների կառավարությունները հասարակայնության արտահայտած զայրույթն ու նրա բազմաթիվ բողոքներն օգտագործեցին որպես պրոպագանդայի միջոց՝ ընդդեմ Թուրքիայի ու Գերմանիայի: «Հայ արյան զետեղը, մինչև աստղերը բարձրացած հայ տառապանքի հեծեծանքները, — ընդգծել է պատմաբան Լեոն, — շահագործվում էին՝ Գերմանիայի դեմ կրոնիկու համար: Փանի դեռ կանգուն էր ուժեղ ու հաղթական Գերմանիան, հայկական սարսափները նրա հակառակորդներին հարկավոր էին՝ նրան վարկաբեկելու, նրան բարոյապես ստորացնելու, նրան բարբարոսության կողմնակից և հովանավոր ցույց տալու, իսկ իրենց՝ նահատակ ազգերի պաշտպան և ազատարար հայտարարելու համար: Բայց հենց որ Գերմանիան շարժվեց և այլևս ոչ որի երկուդ ներշնչել չէր կարող՝ իսկույն մոռացվեց հայն էլ, իր տառապանքն ու արյունն էլ»⁵⁸:

Արևմտահայության ողբերգական ճակատագիրը հետևանք էր ոչ միայն Թուրքիայի հասարակական-քաղաքական հետամնացության և նրա կառավարողների պանթուրքական նկրտումների, այլև մեծ տերությունների իմպերիալիստական ներհակությունների:

Մեծ պետություններն այդ քաղաքականությունը իրագործեցին նաև Կիլիկիայի հայության նկատմամբ:

Օսմանյան կայսրության բաժանման վերաբերյալ 1916 թ. անգլո-ֆրանսուսական զաղտնի համաձայնագրով պատերազմի հաղթական ավարտի զեպրում Կիլիկիան մտնելու էր Ֆրանսիայի ազդեցության գոտու մեջ և նրա-

56 «Կոմունիստ», Բաբու, 1926, № 220: Զ. Կիբակչյան, Առաջին համաշխարհային պատերազմը և և արևմտահայությունը (1914—1916), Նրեան, 1965, էջ 418:

57 «Армяне и война», 1916, № 6, էջ 89:

58 Առ. Անցյալից, Թիֆլիս, 1926, էջ 347:

նում ոչ մի խոսք չէր ասված Կիլիկիայում հայերի ինքնավարության մասին: Ֆրանսիական պաշտոնական թերթերն սկսեցին հրատարակել հոգվածներ, որոնցում ձգտում էին ցույց տալ, որ Ֆրանսիան Կիլիկիայում պաշտամական իրավունքներն ունի «Իրողությունն այն է, — գրում էր հայ ազգային պատվիրակության Կիլիկիայի լիազոր ներկայացուցիչ Մ. Տամատյանը Կ. Պոլսի Զավեն պատրիարքին, — որ ֆրանսիացիք որևէ տրամադրություն չունեն հրաժարվելու այդ հարուստ, արգավանդ ու գեղեցիկ երկրից»⁵⁹:

Ֆրանսիական իմպերիալիստներն իրենց զաղուփատիրական քաղաքականությունը Կիլիկիայի նկատմամբ քողարկում էին տեղի հայերին ինքնավարություն շնորհելու խոստումով, որպեսզի տարագրված հայերին ներգրավեն Մերձավոր Արևելքում գործող իրենց բանակը, որը Կիլիկիայում ֆրանսիական վարչական վերահսկողության ղեկավար գեղապետ է. Բրեմոնի խոստովանությամբ «շատ թույլ էր և նրան Ֆրանսիայից որևէ համալրում չէր սպասում»⁶⁰: Դրանով էլ բացատրվում, որ 1916 թ. Լոնդոնում Հայկական հարցի կապակցությամբ տեղի ունեցած բանակցություններին հայ ազգային պատվիրակության նախագահ Պողոս Նուբար փաշայի առաջարկը՝ կոտորածներից ազատված հայ տարագիրներից Արևելյան լեզեոն ստեղծելու մասին, հավանություն չտալով Ֆրանսիայի և Անգլիայի ներկայացուցիչների՝ Ժորժ Պիկոյի և Մայքլ Սայքսի կողմից:

Բանակցություններում որոշվեց, որ երկու պետությունները երաշխավորելու են հայերի ինքնորոշման իրավունքը Կիլիկիայում՝ ֆրանսիական հովանավորության ներքո: Ըստ այդ որոշման ստեղծվելու էր կամավորական Արևելյան լեզեոն, որը կովելու էր Թուրքիայի դեմ: Այն դառնալու էր ապագա հայկական բանակի կորիզը Կիլիկիայում⁶¹:

1916 թ. նոյեմբերի 28-ին Ֆրանսիայի կառավարությունը որոշեց հայ տարագիրներից կազմավորել այդ լեզեոնը: Որոշման առաջին հոգվածում ասված էր. Կիպրոսում պիտի ստեղծել Արևելյան լեզեոն, կազմված արևմտահայերից բոլորն հանձն պիտի առնեն իբրև օժանդակ ուժ, ծառայել ֆրանսիական զորոյի տակ, պատերազմի ընթացքին օգտագործելու համար Ասիական Թուրքիո մեջ»⁶²:

Պողոս Նուբարը ֆրանսիական կառավարության այդ որոշման առթիվ հեռագրեց բոլոր հայ զաղթավայրերի ու Կովկասի հայությանը որի մեջ ասված էր. «Երաշխակցներու հաղթանակեն վերջ, մեր ազգային բաղձանքները պիտի զոհացուին, կը հանձնարարեմ ձեզի ձեռք առնել տալ բոլոր միջոցները բաշակելու և դյուրացնելու համար կարելի ամենամեծ թվով կամավորներու զինվորագրությունը»⁶³:

Արևելյան լեզեոնի կորիզը կազմեցին զենք կրելու ընդունակ 600 մուսուլմանացիներ, որոնք ժամանակավոր ապաստան էին գտել Պոլոս-Սաիդում: Մեծ թվով հայ կամավորներ եկան Սիրիայից, Եգիպտոսից, Ֆրանսիայից, Ամերի-

59 ՀՍՍՀ ԿԳՊԱ, ֆ. 190, Բ 507, գ. 129, ք. 245—261:

60 ՏՆ՝ Ռ. Գ. Սահակյան, Թուրք-ֆրանսիական հարաբերությունները և Կիլիկիան 1919—1921 թթ., Երևան, 1970, էջ 113:

61 ՏՆ՝ Նույն տեղում, էջ 115:

62 Ա. Գառամանյան, Հայկական լեզեոնը պատմական, իրավական ու քաղաքական հարցերու լույսի տակ և վավերագրեր, Պետք, 1974, էջ 42:

63 Նույն տեղում, էջ 53:

կայից և այլ զաղթավայրերից: «Միջազնաքի և Սիրիայի ճակատներն անգլիացիներու կողմանն թրքական բանակն առնուած հայ ռազմագերիները ևս կամավոր արձանագրեցան»⁶⁴: Արևելյան լեզեոնի ընդհանուր թիվը 1918 թ. մայիսին կազմում էր 5.662 զինվոր, որից միայն 400-ն էին սիրիացիներ, մնացածը հայեր էին:

Անգլո-ֆրանսիական ներքին հակասությունների պատճառով Արևելյան լեզեոնը (1918 թ. դեկտեմբերին այն վերանվանվեց Հայկական լեզեոն) առաջին անգամ պատերազմական գործողությունների մասնակցեց միայն 1918 թ. սեպտեմբերի 19-ին, Պաղեստինի ճակատում:

Հայկական լեզեոնը Պաղեստինի ճակատի հրամանատար անգլիացի գեներալ Ալենբերի զորքերի կազմում 1918 թ. սեպտեմբերի 19-ին գրոհեց թուրքական դիրքերը Արարայի ճակատամարտում, որտեղ հայ կամավորները բաշարի մարտնչեցին թշնամու դեմ և նպաստեցին թուրքական բանակի վերջնական ջախջախմանը: Ալենբրի իր օրագրում գրել է. «Արևելյան լեզեոնը կամ Հայկական լեզեոնը 1918 թ. սեպտեմբերի 19-ին Պաղեստինի մեծ ճակատամարտի հաղթանակով կարևոր բաժին ունեցավ, ևս գրանով հպարտ եմ»⁶⁵:

Գնեբրալ Ալենբրի բանակը, Հայկական լեզեոնի հետ միասին, հետապնդեցով թշնամուն, 1918 թ. հոկտեմբերի 20-ին գրավեց Լիբանանը:

Դաշնակիցների և Թուրքիայի միջև Մուդրոսում 1918 թ. հոկտեմբերի 30-ին կնքված զինադադարի 16-րդ հոդվածի համաձայն թուրքական զորքերը պետք է դուրս բերվեին Կիլիկիայից: Թուրքական զորքերը նահանջելու իրենց գեներ և ռազմամթերքը թողնում էին մահմեդական ազգաբնակչությանը⁶⁶:

Այդպիսին էր գրությունը Կիլիկիայում, երբ արհավիրքներից ողջ մնացած մոտ 150 հազար տարագիր կիլիկիահայ զաղթականներ, հույս կապելով «մեծ» դաշնակիցների խոստումներին, Միջազնաքի, Սիրիայի ավազուտներից վերադարձան իրենց ավերված օջախները: Այդ պահին Կիլիկիան մաքրված էր թուրքական զորքերից և գրավված Հայկական լեզեոնի կողմից: Սակայն Կիլիկիայի վարչությունը մինչև 1919 թ. փետրվարի 7-ը գտնվում էր թուրք պաշտոնյաների ձեռքին, որոնք ունեին 3 հազար նախկին զինվորներից կազմած ժանդարմական զինված զուևը:

Գեղապետ Բրեմոնը ֆրանսիական կառավարության կողմից նշանակվել էր Կիլիկիայի ղեկավոր կառավարիչ, որն իր պաշտոնին անցավ 1919 թ. փետրվարին: Նա առաջին իսկ օրը հայերին սիրաշահելու համար արեց հետևյալ հայտարարությունը. «Մեր ցանկությունն է, որ հայերը տեղ դառնան իրենց երկրին... մենք պիտի առաջնորդենք զիրենք, մինչև որ անոնք աճին, մեծանան ու երբ սկսին ինքնզինքին կառավարելու գործին մեջ հաջողիլ, այն ատեն մենք բարով պիտի ըսենք ու հեռանանք»: Իր խոստումներով Բրեմոնից ետ չէր մնում զորավար Գուրոն, որը շեշտել էր. «Կիլիկիան հայուն դարավոր հայրենիքն է, Կիլիկիան ազատագրվեցավ հայ կամավորներու թափած արյամբ և ուստի Կիլիկիան հայուն պիտի ըլլա»⁶⁷:

⁶⁴ Սարգիս Պաղասյան, Բրբհահայ սպայի մը օրագիրը, Բ հատ., Փարիզ, 1947, էջ 133:

⁶⁵ Colonel L'Hospitalier, Historique des Anciens Combattants Arméniens, 1914—1918, Paris, 1956, p. 41.

⁶⁶ Տե՛ս Հայկական ՍՍՀ ԿԳՊԱ, ֆ. 190/բ, 507, գ. 129, ք. 245—261:

⁶⁷ Տե՛ս Ա. Կեղեցյան, Մոցիալ-դեմոկրատ-հեղափոխական կառավարությունը և Կիլիկիան ինքնավարության ակաթ, Պետրոլ, 1958, էջ 280:

Ֆրանսիական սենատի արտաքին գործերի հանձնաժողովը թննելով Փոքր Ասիայի դրուբյունը, ընդունեց, որ «Ֆրանսիան դաշնակիցների համաձայնությամբ պետք է ապահովի ճնշված ժողովուրդների ազատությունը և ամենից առաջ Հայաստանի ու Ասորիքի ազատությունը»⁶⁸,

Կիլիկիա վերադարձած հայերը, մեծ հույսեր կապելով ֆրանսիացիների հետ, կուրորեն հավատարմով Ֆրանսիայի հովանավորության տակ ինքնավարություն ստեղծելու նրանց կեղծ խոստումներին, կարճ ժամանակում այդ քայրաված, ավերված երկրամասում վերակենդանացրին կյանքը: Ազանայում սկսեցին լույս տեսնել «Կիլիկիա», «Հայ ձայն», «Պահակ» թերթերը: Հայ ազգային կուսակցությունները շատ շուտ մոռանալով Հայկական հարցում մեծ պետությունների խաղաղած նողկալի դերը, նորից հուսադրվեցին, այս անգամ Կիլիկիայում հայկական պետություն ստեղծելու մասին 1919 թ. առաջին կեսին Ֆրանսիայի ու Անգլիայի տված խոստումներին:

Սակայն հայերի այդ ոգևորությունը երկար չտևեց: Ֆրանսիայի վարչապետ Բրիանը 1920 թ. մարտի 27-ին կառավարության նիստին շեշտեց, որ «Կիլիկիան շատ հարուստ երկիր մըն է: Վաղը եթե մենք չլլանք, ո՞վ պիտի ըլլա մեր տեղը: Եթե տեսնենք, որ մեր տեղը ուրիշն եկած է, այն ատեն պիտի հասկանանք մեր սխալը և պիտի զղջանք... Կիլիկիա կը նշանակե քամբակ, որ կը պակսի մեզի, ինչպես նաև շատ մը հարստություններ»⁶⁹,

Հնչակյանները, ռամկավարների և դաշնակցականների ղեկավարները հուսադրվելով իմպերիալիստական Ֆրանսիայի պետական գործիչների «հայանպաստ» ճառերից, միամտորեն հավատացած էին, որ «ազատարար» Ֆրանսիան իրոք պատրաստ է Կիլիկիան վերադարձնելու հայերին: Այդ հովերով տարված, 1920 թ. օգոստոսի 3-ին Ազանայից արևելք գտնվող Սիհան և Ճիհան գետերի միջև ընկած տարածքում հայկական կուսակցությունները յուրաքանչյուրն առանձին-առանձին «Միջագետքի հանրապետություն» հռչակեցին, իսկ Ազանայում օգոստոսի 4-ին Միհրան Տամատյանի նախագահած Ազգային գերագույն խորհուրդը Ֆրանսիական հովանավորության տակ ինքնավար Հայաստան հռչակեց: Այդ հանրապետություններից երկուսը առաջին իսկ օրը վերացվեցին Ֆրանսիական զորամասերի կողմից: Իսկ Ազանային իր գոյության մասին հասցրեց հեռագրով հաղորդել Փարիզ՝ խաղաղության գերագույն խորհրդին, 3-րդ ինտերնացիոնալին, Սովետական Ռուսաստանի կառավարությանը և չեզոք պետություններին: Ազանայի հանրապետությունն իր գոյության երրորդ օրը՝ օգոստոսի 6-ին, գնդապետ Բրեմոնի զորախմբի կողմից ցրվեց: Այդ գործողության համար Բրեմոնը թուրքերի կողմից գովնատի արժանացավ: Սկսված անգլիո-ֆրանսիական սուր հակասությունների պայմաններում Ֆրանսիան հակվեց դեպի Թուրքիան, և Տամատյանի «կառավարությունը» ֆրանսիական իշխանությունների համար պատերազմի կարգավիճակի դեմ գործելու բացեցին:

Քեմալականները, որոնք տակավին էրդրումի (1919 թ. հուլիս-օգոստոս) և Սմադի (1919 թ. սեպտեմբեր) իրենց կոնգրեսներում հռչակել էին ազգային պատերազմ՝ Օսմանյան կայսրության ամբողջականությունը պահպանելու

⁶⁸ «Կայծ», 1918, 14 նոյեմբերի, № 3.

⁶⁹ Տե՛ս Կարապետ Էսմիրյան, Հայ ժողովրդի քաղաքական ճակատագիրը, անցելին և ներկայիս (Քննական տեսություն), Պետրոք, 1964, էջ 210:

համար, պայքարն սկսեցին Կիլիկիայի ճակատից՝ Քեմալականները, շարունակելով երիտթուրքերի ազգայնամուլ, շովինիստական քաղաքականությունը, նշված կոնգրեսներում ծրագրեցին «վճռական պայքար մղել այն բոլոր շարժումների դեմ, որոնց նպատակը կլինի անկախ Հայաստանի ստեղծումը»⁷⁰։

Այդ կոնգրեսներից անմիջապես հետո Քեմալականները Կիլիկիայում ակտիվ գործողություններ ծավալեցին։ Այստեղ նրանք իթթիհատականների հետ միասին մահմեդական ազգաբնակչությանը բորբոքում էին հայերի դեմ, նրանց գաղտնի կերպով զինում և ապահովում էին ռազմամթերքով։ «Թըր ցերեկով... գրեկ է ականատեսներից մեկը... Քեմալականները զենք ու ռազմամթերք էին բաժանում քաղաքի ու շրջակայքի բնակիչներին, զնդացիներն առաքում քաղաք, տների պատերի մեջ հրակնատներ պատրաստում և, վերջապես, բարիկադներ կառուցում»⁷¹։ Հայերն այդ մասին ահազանգում էին ֆրանսիական զինվորական ղեկավարներին, սակայն վերջիններս ոչ մի հակադրոծողությունների չէին դիմում։ Դա պատահական չէր, Ֆրանսիան ձեռնարկում էր Կիլիկիայի նկատմամբ իրականացնել 1916 թ. Սալթս-Պիկո-Սազոնով համաձայնագրով և 1920 թ. օգոստոսի 10-ին Սևրի պայմանագրով նախատեսված իրավունքները։

Այդ բոլորը վկայում են այն մասին, որ Ֆրանսիան մտել էր Կիլիկիա ոչ թե որպես հայերի իրավունքների պաշտպան, այլ իր տիրապետությունը հաստատելու այնտեղ։ Հայկական լեզեռնի թիվը աստիճանաբար և գաղտնորեն սկսեցին նվազեցնել՝ շուրջ զուամարտակից մեաց միայն մեկը։ Ի վերջո Հայկական լեզեռնը 1920 թ. սեպտեմբերի 27-ին լուծարքի ենթարկվեց։ Այդ կատարվեց այն ժամանակ, երբ Քեմալականները գերազանց ուժերով սկսեցին գրոհել հայերի դիրքերը։ Հայերին ոչինչ չէր մնում անելու, քան Քեմալականներին դիմադրել մեն-մենակ։

Հայերի հերոսական դիմադրության փայլուն օրինակներից է Քեմալական զորքերի կողմից շրջապատված Հաճըն քաղաքի 8 ամսվա համառ պայքարը։ Հաճընցիները Քեմալականների գերազանց ուժերի դեմ, փորձելով ճեղքել սլաշարման օղակը, մի քանի անգամ հակահարձակման անցան և ջարդ տվեցին թշնամուն, գրավելով մեծ քանակությամբ պարեն ու ռազմամթերք։ Ութ ամսվա անընդհատ հերոսական պայքարի ընթացքում Հաճընը դրսից ոչ մի օգնություն չստացավ։ Միակ օգնությունը, որ ուզում էին ցույց տալ, դա հայ կամավորներն էին, նրանց էլ ֆրանսիական իշխանությունները զինաթափ արին և երկրից դուրս հանեցին։ Ի վերջո Քեմալականների գերազանց ուժերը երկար, արյունահեղ մարտերից հետո գրավեցին քաղաքը և այն վերածեցին սպանդանոցի։ 10 հազար բնակիչներից կենդանի մնաց ընդամենը 400 մարդ։ Հաճընը ամառացավ։

Այդպիսի վախճան ունեցավ նաև Մարաշը, որի հայ բնակչությունը կազմում էր*22 հազար մարդ, որից շարդերից փրկվեցին միայն 8 հազարը։ Նրբ քաղաքի եկեղեցիներում պատսպարված հայերից մոտ 1500 հոգի, ճեղքելով թշնամու օղակը, շարժվեցին դեպի Ֆրանսիական զորքերի դիրքերը՝ փրկու-

70 ՏՆ՝ ս. Ն. Սարգսյան, Ռ. Սահակյան, Հայ ժողովրդի նոր շրջանի պատմության նեղագիտությունը Թուրք պատմագրության մեջ, Նրես, 1963, էջ 44։

71 ՏՆ՝ ս. Ռ. Գ. Սահակյան, Նշված աշխ., էջ 133—139։

թյուն որոնելու համար, վերջիններս նրանց դիմավորեցին հրացանների համազարկերով, որը հայերից խլեց 400 կյանք⁷²։

Հայերը բնմալական զորքերի դեմ հերոսաբար մարտնչում էին պաշարված Ադանայում, Չելթունում, Միսում, Քեսարում և այլ հայաբնակ քաղաքներում և գյուղերում։ Բոլորն էլ ունեցան նույն վախճանը, ինչ որ Հաճընը և Մարաշը։

Կիլիկիահայերի այդ օրհասական պայքարը շարունակվեց մինչև 1921 թ. աշունը։ Հոկտեմբերի 20-ին Անկարայում Ֆրանսիայի և բնմալական Թուրքիայի միջև կնքվեց պայմանագիր, որով վերջ տրվեց պատերազմական զործողություններին Կիլիկիայում և Ֆրանսիան իր զորքերը հեռացրեց Կիլիկիայից։ Անկարայի կառավարությունը դարձավ Կիլիկիայի տեր ու տիրականը։ Ֆրանսիական մոնոպոլիստները, որոնք շահագործված էին վերականգնել իրենց նախկին դիրքերը Թուրքիայում և որոնց թելադրանքով էլ Ֆրանսիական կառավարությունը Կիլիկիան զիջեց Թուրքիային, փոխարենը բնմալական կառավարությունից ստացավ մի շարք կոնցեսիաներ։

Այսպիսով, այն, ինչ որ իթթիհատականներին չհաջողվեց անել Մեծ և զենքի օրերին Կիլիկիահայության նկատմամբ, հինգ տարուց հետո հաջողվեց կատարել նրանց հայաչինջ քաղաքականության հետևողական շարունակողներին՝ բնմալականներին։ Այդ երկրորդ զենեցիղը, որին զոհ գնացին 30 հազարից ավելի Կիլիկիահայեր, այս անգամ կատարվեց մեծ պետություններից՝ Ֆրանսիայի թողալուց մի կերպ և ազատական և դատարկվեց հայությունից։

Բնմալական կառավարությունն իր հայաչինջ քաղաքականությունը շարունակեց թե՛ Անդրկովկասի և թե՛ հունական ճակատներում։ Երբ 1922 թ. սեպտեմբերի 9-ին բնմալական զորքերը ներխուժեցին Չմյուռնիա և ծովափնյա վայրերը, սրի բաշեցին ինչպես հույն, այնպես էլ հայ խաղաղ բնակիչներին։ Նրանցից շատերը՝ կանայք, երեխաներ, ծերեր նեղվեցին Չմյուռնիայի նավահանգիստը, որպեսզի մի կերպ ազատվեն։ Հույներով և հայերով լնդիցուն տասնյակ նավեր բնմալականների թնդանոթների համազարկով ջրասույզ եղան։ Մովը ներկվեց անմեղ զոհերի արյունով։

4. ԽՔՆԱՊԱՇԱՍԱԿԱՆ ՄԱՐՏՆԵՐԸ

Երիտթուրքերի կողմից կազմակերպված համատարած սպանդի պայմաններում արևմտահայերը, այնուամենայնիվ, երկրի մի շարք շրջաններում անհավասար կռիվ մղեցին թշնամու գերազանց ուժերի դեմ։ Նրանց ինքնապաշտպանության մարտերը մղվում էին առանց ծրագրի, տարերայնորեն, մեկը մյուսից անջատ։ Հերոսական պայքարի շնորհիվ Վանում, Շատախում, Մուշում, Մասսունում, Մուսա լեռան (Ջերել Մուսա) վրա, Շապին-Կարահիսարում, Ուրֆայում տասնյակ հազարավոր կյանքեր փրկվեցին թուրքական յաթաղանից։

Հայերի ինքնապաշտպանության ամենանշանակալի զրվազը Վանի հերոսամարտն էր։ Տակավին 1915 թ. փետրվարին Վանի նահանգապետ՝ Զեզեթ փաշան հայտարարել էր. «Հայերի ու ասորիների հետ մենք հաշիվ տեսանք Ադրբեջանում (խոսքը Իրանական Ադրբեջանի մասին է — խմբ.), Վանի հա-